



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

Titulus IX. De Mutuis Petitionibus.

[urn:nbn:de:hbz:466:1-62040](#)

Quæres undecim. An actor libellum mutare possit?

R. Actor porrectum libellum tam in causis civilibus quam criminalibus ante litis contestationem mutandi habet facultatem. *L. edita. 3. C. de edendo.* Post litis contestationem Actor libellum substantialiter mutare nequit. *Arg. L. non potest. 23. ff. de judic.* Nisi inchoata novâ instantiâ novum cum refusione expensarum offerat libellum. *Cap. examinata. 15. de judit.* Quia libellus pro litis contestatione formatur, & in quasi contractum inter partes litigantes transire consuevit.

Quæres duodecim. Quando libellus substantialiter mutari dicendus est?

R. Substantialiter mutatur libellus, quando actio in illo proposita, vel causa petendi in eo expressa variatur, & alia proponitur, aut à re petita receditur. Ut: quis dixit se se esse Dominum rei, & postea videns difficulter se posse probare Dominium, libellum mutat dicendo: sibi quasi Dominium competere. *Cap. Abbate. 3. de Sentent. & re judicata. in 6.* Accidentaliter emendatur & corrigitur libellus, quando virium aliquod, vel obscuritas tollitur, vel aliquid additur, aut detrahitur, salvâ manente libelli substantiâ, ita, ut nec res petita, nec causa petendi varietur.

T I T U L U S IX.

D E

Mutuis Petitionibus.

Oblato Judici Actoris libello, per hunc reo communicando, interdum reus conventus vicissim aliquid ab actore petere, eumque oblato libello reconvenire solet, præsertim quando compensationi locus non est, ut quia debitum ab ultraque parte non est liquidum.

Quæres prim. Quid est mutua petitio?

R. Est conventio ex parte actoris, &

reconventio ex parte rei, quâ reus oblato libello actoris vicissim ab actore aliquid exigit, coram eodem Judice, & in eodem judicio. Nam reo ad emanatam citationem comparenti communicatur libellus, & reus visâ petitione actoris eundem sëpe reconvenit, hoc est: ab actore aliquid sibi debere contendit, oblato reconventionis libello. Exemplum. Petrus oblato libello convenit Paulum, in quo Paulum

Q q q 3 ad



ad solvendum debitum ex mutuo contractum adstringi postular : Paulus viro Petri libello cundem oblato libello reconvenit , in quo Petrum ad solvendum debitum ex venditione expressarum aedium contractum à Judice petit adstringi. Fundatur hæc reconventionem in Jure Canonico quam civili, Cap. 1. & 2. de mutuis petitionibus. cap. 2. & fin. de ord. cognition. cap. dispendia. 3. §. reus quoque. de Rescript. in 6. Clement. sape. 2. de V. S. L. cum Papianus. 14. iuncta authent. & consequenter. C. de Sentent. & interlocut. om. judic.

Quæres secundò. Quis finis mutuæ petitionis ?

R. Favor tam rei , quam Actoris. 1mò. Est in favorem rei , quia cum Actor coram illo Judice sibi jus dici velit , in causa reconventionis eundem habere Judicem pati debet. Can. Accusatores. 1. caus. 3. q. 8. Cujus enim quis in agendo observat arbitrium , eum habere & contra se Judicem in eodem negotio non dedignetur. Inquit cit. lex. Papianus. 2dò. Est in favorem actoris. Quia reus apud eundem Judicem , & non apud alium durante eadem judicio actorem reconvenire potest , ne actor in diversis instantiis coram diversis Judicibus in prosequenda actione sua perturbetur. Cit. cap. dispendia. 3. de rescript. in 6.

Quæres tertio. Qui mutuæ petitionis effectus ?

R. Tres sequentes : 1mūs Actoris ad respondentum libello rei obligatio. Judex enim Actorem cogere debet , ut

& ipsi reo ad reconventionem suam respondeat , ut sic utraque causa tractetur , eadēmque finiatur sententia ; quod si Actor ad reconventionem rei respondere detrectat , nec ipse reus ad respondentum cogitur. 2dus. Jurisdictionis prorogatio ; quia Actor per reconventionem alienæ subjicitur jurisdictioni , ita , ut coram eo Judice , quem agendo in sua culpa approbavit , judicium reconventionis subire debeat , nec velut incompetentem recusare valeat. 3tiūs. Processus simultaneus ; causa enim reconventionis simul cum causa conventionis est tractanda.

Quæres quartò. Quis ex litigantibus alterum reconvenire potest ?

R. Solus reus. Actor enim reum , a quo fuit reconventus , iterum in alia causa reconvenire non potest. Gloss. in cap. 2. de mutuis petition. Verb. eodem modo.

Quæres quintò. An quilibet reus Actorem reconvenire possit ?

R. Quilibet , dummodo in judicio Actor esse valeat : ideo excommunicatus , quamvis contra Actorem se defendendo excipere possit ; eum tamen coram eodem Judice in alia causa reconvenire nequit , cum personam Actoris sustinere non possit. Cap. cum inter. 5. de except.

Quæres sexto. An coram Judice delegato fieri possit reconventionis

R. Affirmativè. ex cap. 1. de mutuis petition. Solet hæc fieri exceptio : Si delegatus ad petitionem partis utriusque datus fuerit , non habet locum reconvenientiam .

conventio, quia cessat ejus causa; cum non magis Actor, quam reus Judicem elegerit. Coram arbitris quoque non subsistit reconventio.

Quæres septimè. An coram Judice prorogato fieri possit reconventio?

R. Affirmativè. Dummodò causa, super qua fit reconventio, non sit specie diversa ab illis causis, de quibus Judex prorogatus cognoscere potest. Sic reus conventus coram Judice prorogato in causa civili, in criminali reconvenire nequit, si Judex solum in civilibus judicandi habet potestatem. Nec obstat, quod Judex habens jurisdictionem super causa principali, incidentem quoque cognoscere possit, alias sui fori; causa autem recognitionis sit incidens & accessoria ad causam reconventionis. Quia hoc verum est, si causa incidens cause principali ita sit accessoria, ut hæc sine illa terminari nequeat: sic autem necessariò conexæ non sunt causæ con- & reconventionis.

Quæres octavò. An Laicus coram Judice Laico à Clerico in causa civili conventus Clericum in simili causa civili coram eodem Judice Laico reconvenire possit?

R. D.D. in hæc questione non conveniunt. *Gloss. in cap. 1. de mutuis petit. Verb. super suis questionibus. &c in cap. et si Clerici. 4. de Judiciis.* Respondet Affirmativè. Quia per Regulam Generalem ex reconventione fit Judex, qui alias in reconventum nullam habebat jurisdictionem. Et ratio naturalis sua-

det, ut Clericus in eodem judicio satisfaciat Laico, in quo contra eundem actionem intentavit. Ad quod respondeat sententia adversa regulam illam locum habere, si Judex conventionis in actorem convenientem capax sit jurisdictionis, cuius in Clericum Laicus incapax est.

Quæres nond. An etiam in causa, qua summarie tractanda, locum habeat reconventio?

R. Affirmativè. Ex *Clement. 2. §. verum, de V. S.* sive utraque causa sit summaria, sive una sit summaria & altera ordinaria.

Quæres decimò. In quibus causis locum non habet reconventio?

R. In sequentibus: 1mò. In causa depositi non datur reconventio. *Cap. bona fides. 2. de deposito. L. 11. C. de deposito.* Ubi dicitur: Depositarium contra repetentem depositum nullam actionem sive personalem sive realem aut hypothecariam, imò nec compensationem objicere posse, quominus depositum illico restituat. 2dò. In causa executiva, sive executionem paratam habente, v. g. Debiti confessati: quia hujusmodi cause certæ sunt & liquidæ. 3tiò. In causa spolii; quia spoliatus ante omnia restituendus est, nec adversario respondere tenetur, antequam sit restitutus. *Can. redintegranda. 4. caus. 3. q. 1. cap. 1. de restitut. Spoliator. in 6.* 4tdò. In causa appellationis; quia adversarius Victor in prima instantia appellantem coram Judice appellationis reconvenire non potest;

Judex



Judex enim appellationis in aliis, quam ex prima instantia ad se devolutis se se intromittere non potest. *5t̄d.* In causa criminali, in qua accusatus accusatorem pendente judicio criminali reconvenire nequit, nec civiliter, cum causa criminalis velut major absorbeat civilem, *l. fin. cod. de Ordine iudiciorum.* Nec criminaliter, quia non relatione criminis, sed innocentia suâ reus purgatur, nec ante potest accusare, quam fuerit excusatus; nisi reus conveniendo criminaliter, vel magis crimen, vel suam aut suorum injuriam prosequatur. *6t̄d.* Demum in nulla causa reconventio locum habet, de qua Judex ex natura sua partibus etiam consentientibus cognoscere non potest: Veluti in causa Spirituali, in qua coram Laico tanquam jurisdictio- nis spiritualis incapable reconventio non permittitur; cum non persona actoris, sed qualitas causæ eundem Judicem dignetur.

Quæres duodecim^o. Quando reconventio proponenda?

R. In exordio litis, ante litem contestatam. Et tunc Judex utramque causam con- & reconventionis eādem Sententiā terminare deber. Quamvis etiam durante eodem judicio post litem contestatam, antequam in causa conclusum, reconventio fieri possit. Quo calu reconventione seriū propitiat conventione deciditur, reconventione manente in litis pendentia, nec interea reus actorem apud alium Judicem convenire potest.

Quæres duodecim^o. Quâ formâ & modo in reconventione procedendum?

R. Modus procedendi, qui in causa conventionis ex impetrato observatur rescripto, etiam in causa reconventionis est observandus. *Cap. prudentiam. 2. de mutuis petition.* Ideoque si causa conventionis commissa additâ clausulâ: *Appellazione remotâ.* Eti am causa reconventionis remotâ appellatione est terminanda.

**



TITU-

